

POETA

Attittadore 'e luna
has abbrazzadu
s'ultimu alenu
de duas laras d'oro!

Launeddas, senz'alidu,
t'han dadu sa forza
de isterrer sos suspiros
pro nde pesare cudda pedra rutta
chi surzit sos lamentos
de una mama:

"Fiza 'e su coro,
fiza 'e paga vida,
isparida ti ses!"

A su ticchirriu sou
has abbertu sas laras sizigliadas,
limusinende a su chelu
sos basos senza fine...

Cun cussu coro tou sempre sole!

POETA

*Cantore lamentoso della luna / hai abbracciato / l'ultimo anelito di vita / di due
labbra d'oro! / "Launeddas" prive d'alito / t'han dato la forza / di spargere i
sospiri / per rizzare quella pietra spezzata / che si imbeve dei lamenti / di una
madre: / "Figlia del cuore, / figlia di poca vita / sei morta anzitempo!" / Al suo
strillare / hai spalancato le labbra sigillate / chiedendo al cielo / baci senza fine...
/ Con quel tuo cuore sempre sole!*